



Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec



PROCESVERBAL

Nga mbledhja e rregullt e Kuvendit Komunal të Rahovecit, e mbajtur më **22.12.2021**, me fillim në ora **10:00**. Mbledhjen e kryesoi anëtari me i vjetër i Kuvendit z. **Rasim Fazliu**. Konstatohet se kuorum, për mbajtjen e mbledhjes kemi, fillimisht e përshëndes Kryetarin e Komunës z. **Smajl Latifi**, anëtarët e Kuvendit Komunal. përfaqësues të mediave dhe gjithë të pranishmit në sallë. Sot kemi një pikë të rendit të ditës:

REND DITE

1. Zgjedhja e Kryesuesit të Kuvendit të Komunës së Rahovecit.

RAHOVEC / ORAHOVAC

Njësia Nr./Br./No 01 (Kuvendi i Komunës)

Nr./Br./No 01/260 Nr. i faq./Br.str./No pg 6

Data/Datum/Date 28 / 01 / 2022

Të nderuar anëtarë të Kuvendit, tani duhet të bëni propozimet për kandidat për kryesues të kuvendit të Komunës së Rahovecit. Paraprakisht duhet të ju kujtoj se si duhet të jetë procedura për zgjedhjen e Kryesuesit, që unë mendoj se do të ishte mirë edhe njëherë shefi i zyrës ligjore të na jap njoftimin se si duhet të shkoj procesi për zgjedhjen e kryesuesit.

Isak Hoti – Faleminderit kryesues, kryetar, delegat të nderuar dhe gjithë ju të pranishëm. Konform udhëzimit administrativ Nr.2009/01 udhëzimi administrativ për procedurën e zgjedhjes së kryesuesit të kuvendit të komunës, që po e citoj komplet udhëzimin: ku secili subjekt politik, nismë qytetare apo kandidat i pavarur i përfaqësuar në kuvendin e komunës ka të drejtë që në radhët e anëtarëve të kuvendit të komunës të propozoj një anëtar për kryesues të kuvendit të komunës. Kuvendi i komunës me shumicën e thjeshtë të anëtarëve të komunës formon komisionin për mbarëvajtjen e procesit të votimit, i cili përbëhet nga 3-5 anëtarë. Komisioni për votim është përgjegjës që ti numëroj votat dhe të komunikoj për rezultatet e votimit para anëtarëve të kuvendit. Votimi për zgjedhjen e kryesuesit të kuvendit të komunës bëhet me votën e fshehtë. Për tu zgjedhur në votimin e parë kandidati i propozuar për kryesues të kuvendit të komunës duhet të marrë më shumë se gjysmën e votave të numrit të përgjithshëm të anëtarëve të kuvendit. Nëse pas votimit të parë asnjëri prej kandidatëve të propozuar për kryesues të kuvendit të komunës nuk merr më shumë se gjysmën e votave të numrit të përgjithshëm të anëtarëve të kuvendit të komunës atëherë dy kandidatet të cilët kanë fituar numrin më të madhe të votave shkojnë në votimin e dytë. Kandidati që merr më shumë se gjysmën e votave të numrit të përgjithshëm të anëtarëve të kuvendit të komunës atëherë në rundin e dytë zgjidhet kryesues i kuvendit të komunës. Pika e 4, nëse edhe pas votimit të dytë asnjëri nga kandidatët nuk ka fituar shumicën e kërkuar si në pikën 3 të këtij udhëzimi administrativ atëherë shkohet në votimin e tretë dhe në votimin e tretë kryesuesi i kuvendit të komunës zgjidhet kandidati i cili merr më shumë se gjysmën e votave të anëtarëve të përhershëm dhe që votojnë në propozimin e mbledhjen e kuvendit të komunës. Atëherë nëse edhe në votimin e tretë nuk zgjidhet kryesuesi i kuvendit të komunës atëherë i tërë procesi për zgjedhjen e kryesuesit të kuvendit të komunës përsëritet dhe fillon prape nga e para. Gjithashtu më duhet të potencoj se datën 3 janar e kemi ditën e fundit për zgjedhjen e kryesuesit të kuvendit të komunës.

Rasim Fazliu – E falënderoj shefin e Zyrës Ligjore për të gjitha sqarimet që i dha, kështu që tash është radha e propozimeve dhe ju ftoj të jepni propozimet tuaja.

Fatmir Iska – Përshëndetje i nderuar kryesues i seancës së kuvendit z. Rasim Fazliu, kryetar i komunës, kolegë kuvendarë dhe gjithë ju të pranishëm në sallë. Aleanca për Ardhmërinë e Kosovës edhe në seancën e kaluar e ka propozuar z. Afrim Dina, kështu që ne prape vazhdojmë që ta kemi kandidat për kryesues, si një pedagog i mirë dhe si kryesues i kuvendit në mandatin e kaluar që e ka menaxhuar punën shumë mirë, kështu që ju ftoj të gjithëve pa dallim me përkrah dhe me mbështet për kryesues të kuvendit komunal në mandatin 2021-2025.

Leonard Morina – Përshëndetje kryesues, kryetar dhe gjithë të pranishmit në sallë. Levizja Vetëvendosje kandidat për kryesues e ka Defrim Kafexhiu, një djal i zellshëm, punëtor dhe besoj që nuk do të ju zhgënjë, kështu që ju ftoj që pa dallim ta mbështetini kandidaturën e tij.

Rasim Fazliu – Faleminderit, a ka dikush tjetër rreth ndonjë propozimi, kështu që siç po shihet nuk ka kandidat tjetër. Atëherë për formimin e komisionit, shefi i zyrës ligjore tregoj se duhet të jenë 3-5 anëtarë të komisionit, kështu që duhet të vendosim se a do të kemi 3 apo 5 anëtarë të komisionit.

Ali Morina – Faleminderit kryesues, si grup i aleancës për ardhmërinë e Kosovës propozojmë që në komision për zgjedhjen e kryesuesit të jenë 5 anëtar.

Leonard Morina – Ne mendojmë që meqenëse jemi 4 subjekte politike atëherë duhet me qenë 4 anëtar për komision, mirëpo pasi që duhet me qenë tek atëherë edhe ne jemi për 5 anëtarë.

Rasim Fazliu – Atëherë propozoj me ngritje të dorës që ta shohim se kush është për 5 anëtarë në komision. Kështu që shumica janë për 5 anëtarë dhe menjëherë fillojmë me propozimin për anëtar të komisionit.

Ali Morina – Faleminderit kryesues i seancës, i nderuari kryetar, të nderuar kolegë asamblistë. Pasi që jemi edhe grupi më i madh i asamblistëve, besoj që ne përbërjen prej 5 anëtarëve të komisionit, neve na takojnë 2 anëtarë brenda këtij komisioni, andej edhe ne emër të grupit të aleancës për ardhmërinë e Kosovës propozojmë Besmire Bytyqi dhe Feriz Thaqi.

Burim Krasniqi – Unë po besoj që komisioni nuk ka diçka specifike apo të veçantë për me pas ndarje apo përfaqësim politik, kështu që kërkoj që secili grup me dhanë nga një kandidat për anëtarë të komisionit dhe një me qitë nga administrata që me i ndihmua procesit, pra secili subjekt politik me propozua nga një emër dhe një nga administrata që me i ndihmua teknikisht dhe besoj që gjithçka është në rregull pasi nuk ka ndonjë vlerë ajo që cili subjekt i vendos 2 apo më shumë emra.

Isak Hoti – Me keqardhje ju them por administrata është për me i krye punët që i takojnë me çështjet administrative kurse pjesën tjetër ju takon juve si politikë.

Rasim Fazliu – Ju vet u dakorduat se si duhet me qenë numri i anëtarëve të komisionit, kështu që mendoj se nuk është edhe shumë e rëndësishme kjo punë, pasi nëse këta janë dy anëtar atëherë ju i keni tre anëtar dhe jeni të gjithë së bashku aty dhe nuk është e vështirë me bo verifikimin e votave.

Merisa Sharku-Vuçitërna – Përshëndetje për të gjithë. Për anëtar të komisionit e propozojmë Ilir Pallqën.

Burim Krasniqi – Për anëtar të komisionit e propozojmë Faton Ramadanin.

Bejtullah Deliu – Për anëtar të komisionit e propozojmë Melinda Iska.

Rasim Fazliu – Pra e kemi të formuar komisionin prej 5 anëtarëve.

Besmire Bytyqi, Feriz Thaqi, Ilir Pallqa, Faton Ramadani, Melinda Iska.

Tani do ta bëjmë verifikimin e anëtarëve prezent që janë të pranishëm në sallë. Pas verifikimit të anëtarëve, komisioni konstatoj se prej 31 asamblistëve të zgjedhur, në seancë mungojnë Fahrije Lushi-Morina dhe Masar Popaj. Pra prezentë në sallë janë 29 asamblistë.

Deri sa sekretari i kuvendit të përgatis fletat e votimit me kandidat e propozuar për kryesues të kuvendit, ne mund të bëjmë pauzë 10 minuta dhe me pastaj fillojmë me votimin.

Rasim Fazliu – E falënderoj sekretarinë e kuvendit për përgatitjen e fletëvotimeve dhe gjithashtu e ftoj një anëtar të komisionit që të vij të merr fletëvotimet dhe të bëjë verifikimin e tyre.

Burim Krasniqi – A precizon udhëzimi administrativ formën e votimit, a shkruan diku në udhëzim se si votohet sikurse qysh është e përcaktuar në procese të tjera.

Isak Hoti – Në Republikën Kosovës në 36 komunat nuk ekziston një fletëvotim unik por në bazë të praktikave të komunave tjera është kështu si e kemi bërë ne, pasi nuk thotë që duhet apo nuk duhet të vendoset shenja katror. Ju keni të drejtë me rrumbullakosua numrin 1 apo 2, po ashtu keni të drejtë me rrumbullakosua komplet emrin, keni të drejtë me rrumbullakosua vetëm subjektin dhe vota është e vlefshme. Në fund shkruan se të rrumbullakohet vetëm numri i kandidatit tuaj dhe mendoj se asgjë të keqe nuk ka.

Bejtullah Deliu – E thoni vetëm numrin e ndërkohë e shpjegove se mundesh subjektin mundesh emrin dhe po ndryshon jashtë kësaj që ju e keni cekur. Pra, tani po ndryshon prej asaj që keni shkruan dhe shpjegimi juaj dallon prej asaj që shkruan aty.

Isak Hoti – Nëse thotë diku që ke të drejtë me vizatua në fletëvotim do të marr përgjegjësinë unë.

Burim Krasniqi – Meqenëse udhëzimi nuk e precizon pavarësisht praktikave që realisht ato edhe munden me u ndërrua atëherë unë po kërkoj me qit një propozim timin. E para me qenë vetëm emrat e të propozuarve dhe jo të subjekteve politike, se janë delegat të kuvendit të komunës të propozuar, nënshkruhet Afrim Dina dhe Defrim Kafexhiu, dhe sigurisht me largue emrat e subjekteve politike, pasi janë dy emrat e delegateve që kanë të drejtën e kandidimit. Pastaj, po kërkoj që fletëvotimi me pas edhe katrorin dhe brenda katrorit të votohet dhe sigurisht mundet edhe jashtë katrorit me rrumbullakësua emrin apo numrin që për mua do të ishte valide dhe si të tillë e kam në propozim që e para fletëvotimi të mos e ketë subjektin politik dhe e dyta fletëvotimi të ketë edhe katrorin për votim dhe kërkoj me qitë në votim.

Isak Hoti – E para e punës largimi i subjekteve nga fletëvotimi është e papranueshme, për vet faktin se nuk ka koalicion apo koalicion të përbashkët dhe ju keni me pa në vazhdimësi dhe në formimin e komisioneve që kanë me u krijuar siç janë obligative Komiteti për Politikë dhe Financa, Komiteti për Komunitete dhe gjitha komisionet e tjera e kanë në çdo vendim ka me shkruar edhe subjekti politik, pasi ky vendim ka me shkruar për certifikim në Ministrinë e Administrimit të Pushtetit lokal, që do të thotë se subjekti nuk largohet. Mirëpo a ka mundësi me ma dhanë një arsye se pse nuk duhet të jenë numrat 1 dhe 2 pasi dhe në të gjitha legjislaturat kemi shkruar zakonisht kështu.

Defrim Kafexhiu – Meqenëse ne po veprojmë në bazë të praktikave të kaluara dhe të kuvendeve tjera të kuvendeve komunale, unë po besoj që ne duhet me qenë shembull dhe pasi ne po veprojmë në bazë të praktikave mundemi me marr si shembull fletëvotimin që KQZ-ja që e bën dhe pse mos me pas një katror afër emrit dhe në bazë të kësaj numrat nuk do të ishte mirë me figurua kur janë dy emra dy katrorë atëherë pse 1 dhe 2.

Kryetari – Përshëndetje për kryesuesin e kuvendit, anëtarët e kuvendit, monitoruesit e kuvendit dhe gjithë të pranishmit në sallë. Për çështje teknike nuk e kam në plan as me diskutua por po besoj që grupi i Aleancës për Ardhmërinë e Kosovës si grup e kanë propozua kandidatin dhe ka me figurua AAK. Kështu që me udhëzim administrativ thotë që në qoftë se një asamblist i pavarur, një iniciativë e një grupi etj kështu që është çështje thelbësore politike kurse ata që kanë një kandidat të përbashkët ose një kandidat të pavarur le të ja heqin siglën e partisë kurse unë pasi që jam edhe kryetar i partisë i ftoj që mos me ja heqë siglën e partisë.

Rasim Fazliu – Të nderuar anëtarë të kuvendit, konsideroj që fletëvotimi pasi nuk jemi për herë të parë në zgjedhje dhe shumë e logjikshme është propozimi që katrori duhet me qenë të numri, pasi nuk e dëmton asnjërin palë dhe kjo është rregull pasi ne të gjitha fletëvotimet e zgjedhjeve janë katrorët. Komisioni është i përbërë prej 5 anëtarëve dhe anëtarët e komisionit kanë me verifikua çdo fletëvotim dhe në qoftë se ne

fletëvotim ka parregullsi apo janë të rrumbullakuar dy emra atëherë automatikisht e shpallin të pavlefshëm, por nuk ka vend për diskutime dhe duhet bëhen fletëvotime të reja dhe të vendoset katrori aty pasi flasë në mënyrë parimore nëse dëshironi me i ndjekë rregullat ashtu siç duhet. Kështu që e ftojë sekretarinë e kuvendit që me i shtypë fletëvotimet e reja dhe me vendos katrorin aty te numri dhe me pastaj kandidati le te voton sipas dëshirës dhe me largua vërejtjen aty pasi është ndikim i drejtpërdrejt në anëtarët e kuvendit.

Isak Hoti – Në kuadratin e bardh apo mbi llogo te subjektit zgjedhor, parti koalicion ose sipas rastit kur zgjedh edhe kandidatin duhet te vendoset shenja X ose +, pasi çdo shenjë tjetër mund ta bëj ta pavlefshëm fletëvotimin.

Burim Krasniqi – Komisioni doli me propozimin që me vendos katrorin pastaj me heqë vërejtjen në fund, pasi udhëzimi administrativ për zgjedhjen e kryesuesit nuk përcakton simbolin që duhet me qitë. E definove mirë dhe komisioni le ta marrin një qëndrim rreth kësaj në bazë të rekomandimeve apo kërkesave tona, le ta rekomandon e votojmë asambleja fletëvotimin, e cila nuk është në kundërshtim me udhëzimin administrativ për zgjedhjen e kryesuesit dhe në momentin që na duhet atëherë sekretaria na ndihmon.

Leonard Morina – Ne si grup i lëvizjes vetëvendosje jemi që me largua emrin e subjektit LVV, por shenja e katrorit duhet të vendoset patjetër afër numrit në fletëvotim pasi nëse një shenjë vendoset afër dy emrave mund te ketë dilema, kështu që brenda katrorit dihet se për cilin kandidat dhe gjithashtu vërejtja në fund duhet të largohet sepse është shumë e panevojshme, edhe asnjë shenjë tjetër brenda katrorit nuk e shpall të pavlefshme.

Defrim Kafexhiu – Unë vetëm desha me than se është e papranueshme qasja e zyrtarit e zyrtarit ligjor, pasi njëherë tha që kuvendet e bëjnë praktikën dhe komisioni e tregon mënyrën se si me formua fletëvotimin. Kështu që është e papranueshme qasja që njëherë me u thirr në praktikë e kaluara ose te kuvendeve tjera komunale e me pastaj me u thirr prej komisionit qendror zgjedhor varësisht se qysh i konvenon dhe kjo është e papranueshme dhe e dënueshme kjo qasje e zyrtarit ligjor.

Isak Hoti – Askund nuk e kam përmend as nuk e thash fjalën praktikë, në bazë të praktikave. Praktikë në të gjitha komunat behet një fletëvotim i tillë dhe nëse kërkon në google për komunat fqinjë se si kanë votuar atëherë do ta shihni të njëjtë një gjë të tillë. Gjithashtu u përmend nga asamblisti Burim Krasniqi edhe fletëvotimet e zgjedhjeve të përgjithshme dhe ato lokale zyrtare. Kështu që mbi bazën e kësaj unë e dhashë edhe atë që thuhet në udhëzim administrativ. Kurse sa i përket qasjes time, unë si udhëheqës i sektorit të Zyrës Ligjore ka kush me jep vërejtje, kështu që e imja është që në bazë të procedurës me zhvillua një procedurë të rregullt që mos me lanë këtë kryesues me gabua, përndryshe nëse e shihni të arsyeshme në mund te dalim si administratë dhe ju mund ta zgjidhni.

Faton Ramadani – Përshëndetje për të gjithë. Si anëtar i komisionit propozoj që para numrave 1 dhe 2 të vendoset edhe shenja e katrorit, pasi s'mund ti diktojmë kandidatet që të votojnë me X,Y apo me ndonjë shenjë tjetër. Gjithashtu në KQZ thuhet pasi kam punuar një kohë të gjatë si anëtarë i komisionit thuhet që mundet me votue me tik, x apo me çfarëdo shenje tjetër me vendos aty bile mundet edhe emrin me rrumbullakosua apo vetëm subjektin apo edhe vetëm me një pikë që është afër subjektit apo kandidatit. Kështu që propozoj që të vendosin komisioni dhe bëhen fletëvotimet e reja dhe të vendoset katrori në fletëvotim dhe te procedojmë.

Rasim Fazliu – Edhe njëherë po e them se shenja e katrorit do të ishte mirë më qenë mirëpo edhe diçka dua te ju drejtohem të gjithëve dhe vetes sime sigurisht. Para se me ardhë këtu e kemi ndaje mendjen secili se si duhet te votojë pasi edhe ashtu nuk kemi nevojë të merremi me formalitete pasi unë veç e di se çka ka me votue edhe ju sigurisht secili për veten e tij e din se çka ka me votue por sigurisht se shenja e katrorit duhet me qenë patjetër dhe sigurisht se pajtohem edhe unë me propozimin.

Feriz Thaqi – Komisioni ka vendosur që ne fletëvotim të vendosen katrorët dhe ne vërejtje të shënohet se vetëm ne katror duhet të shënohet kurse jashtë katrorit atëherë fletëvotimi është i pavlefshëm.

Rasim Fazliu – Komisioni e ka bërë verifikimin e fletëvotimeve dhe ka konstatuar vërtetësinë e tyre. Kështu që tash fillojmë me votimin dhe unë do të thërras me emra, secilit që i përmendët deklarohet pastaj nënshkruhet dhe merr fletëvotimin dhe shkojnë votojnë në kutinë e votimit. E keni vërejtjen që duhet të votoni brenda katrorit dhe ju kërkohet edhe njëherë që ta keni parasysh mënyrën e votimit që mos të krijohen probleme gjatë vijimit të votimit.

Pas përfundimit të votimit, e ftojë komisionin që të bëjë numërimin e votave. Fillimisht duhet të vërtetohen numri i fletëvotimeve në kutinë e votimit që a janë në përputhje me numrin e anëtarëve që janë të regjistruar.

Feriz Thaqi – Komisioni ka bërë numrimin e votave, kanë qenë 31 fletëvotime, 2 janë eliminuar për shkak se nuk kanë qenë prezentë dhe gjithsej 29 janë të vlefshme dhe asnjë e pavlefshme, 15 vota janë për VV-në kurse 14 AAK-në.

Rasim Fazliu – Pas rezultateve që na dha kryesuesi i komisionit dhe u pa që nuk janë votat e mjaftueshme për me u zgjedh kryesuesi i kuvendit atëherë shkohet në rundin e dytë, kështu që presim sekretarin deri sa ti bëjë gati fletëvotimet për rundin e dytë.

Feriz Thaqi – Komisioni ka bërë verifikimin e fletëvotimeve dhe gjithsej janë 31 fletëvotime.

Rasim Fazliu – Fillojmë me votimin e raundit të dytë për zgjedhjen e kryesuesit të kuvendit. Unë do të thërras emrat dhe ju do të deklaroheni dhe do të nënshkruani në listën e nënshkrimeve dhe me pastaj do të merrni fletëvotimin për të votuar në kutinë e votimit.

Feriz Thaqi – Fletëvotime kanë qenë 31 gjithsej, 2 janë larguar për shkak se mungojnë dy asamblistë, 29 ka qenë numri i anëtarëve që kanë votuar dhe 29 janë të vlefshme dhe rezultati është 15 vota për VV-në dhe 14 AAK-në.

Rasim Fazliu – Për shkak se nuk është arritur numrin e duhur që të zgjedhim kryesuesin, duhet të shkojmë në rundin e tretë, por së pari e ftojme sekretarin që të përgatis fletëvotimet për rundin e tretë.

Feriz Thaqi – Komisioni ka verifikuar numrin e fletëvotimeve që janë 31, prej 2 fletëvotime eliminohen për shkak se mungojnë dy asamblistë, kështu që 29 fletëvotime i dorëzohen komisionit.

Ftoj komisionin që të bëjë numrin e votave. Pas numërimit të votave, komisioni ka konstatuar se 14 vota ka marr kandidati Afrim Dina, 14 vota ka marr kandidati Defrim Kafexhiu dhe 1 është e pavlefshme.

Ftojme Shefin e Zyrës Ligjore z. Isak Hoti për procedurën e mëtutjeshme.

Isak Hoti – Për shkak të pauzës duhet të presim për gjysmë ore, për shkak se kontakti me Ministrinë e Administrimit të Pushtetit Lokal është paksa i pamundur por gjithsesi nga ajo që shihet duhet të thirrret edhe një mbledhje urgjente për sot apo nesër dhe nëse MAPL-ja na jep një udhëzim ndryshe ka mundësi që futemi edhe në rundin e katërt. Kështu që duhet të presim për një pauzë për rreth 40 min.

Në udhëzimin administrativ Nr.2009/1 për procedurën për zgjedhjen dhe përgjegjësin e kryesuesit të kuvendit të komunës janë shtjerr ligjërisht të gjitha mundësitë, kështu që ne nënin 3 të votimi dhe zgjedhja e kryesuesit nuk parashihet një rund i katërt dhe ne jemi në një situatë që nuk ka as praktikë. Në këtë rast e vetmja mundësi është edhe një mbledhje tjetër në bazë të ligjit për mbledhje urgjente, pasi ligji i parasheh tre mundësi për thirrje të seancës, ku në këtë rast kemi të drejtë të shfrytëzojmë mundësinë të thirrjes së mbledhjes urgjente, pasi nuk kemi të drejtë me vazhdua mbledhjen pasi nuk kemi mundësi me bo praktika të dyfishta, pasi me konsultën me Xhevat Tafën që është drejtor në departamentin për çështje ligjore në MAPL na ka thanë që mundeni me thirr vetëm mbledhje urgjente ose mbledhje të rregull nëse keni kohë dhe ju lejon afati ligjor 7 ditë për material, kështu që në këtë rast përveç mbledhjes urgjente nuk kemi të drejtë me marr.

Rasim Fazliu – Unë dua të potencoj se kam thënë vetëm në bazë të fjalëve që ju mi keni dhënë dhe unë e respektoj zyrtarin ligjor dhe në bazë të asaj kam thënë që mbledhja duhet të mbyllet mirëpo ju keni insistuar që mundeni me vazhdua dhe tash jemi në një situatë çfarë jemi.

Burim Krasniqi – Meqenëse rregullorja e parasheh që duhet me u përsërit komplet procesi që të shkohet përsëri në 3 raunde, unë po besoj që dhe i rekomandoj secilit që të dakordohemi që qoftë në vazhdim të seancës apo me shkue në seancë të jashtëzakonshme pasi duhet të shkohet në 3 runde të votimit dhe sigurisht se MAPL-ja nuk mundet me than ndryshe nga ajo që shkruan në udhëzim administrativ por nëse ka ndonjë zbrazëti të ligjore në legjislacion që i jep mundësi raundit të katërt atëherë edhe mund të shkojmë në raundin e katërt dhe nëse nuk ka atëherë përsëriten vetëm dakordohemi datën kur do të mbajmë seancën që vazhdohet apo të mbajmë seancë të re, cikli do të përsëritet me 3 raunde.

Isak Hoti – Organ mbikëqyrës për komunat dhe jo vetëm për komunën e Rahovecit është Ministria e Administrimit të Pushtetit Lokal, kështu që nuk mundemi me hamendësua dhe nuk mund të themi se kemi të drejtë këtë apo atë, kështu që as juve dhe as kryetarin e komunës prej se jam në punë këtu asnjëherë në lajthitje nuk e kam vënë, kështu që unë nuk guxoj me hamendje me punua dhe arsyeja që kërkoja 40 minuta pauzë është që të marr konsultën nga MAPL-ja dhe nëse ata me dërgojnë me shkrim atëherë unë filloj por nëse nuk dërgojnë me shkrim atëherë nuk guxoj me hy në procedurë përpos tentim thirrjes për mbledhje urgjente, por sigurisht vetëm me dërgimin e një shkrese zyrtare.

Rasim Fazliu – E falënderoj zyrtarin ligjor, unë mendoj se anëtarët e kuvendit që jemi këtu i kemi fajet për një situatë të tillë dhe si përfaqësues të qytetarëve që jemi nuk është veprim i mirë dhe nuk jemi në nivelin e duhur.

Afrim Dina – Faleminderit kryesues i mbledhjes. Në bazë të shefit të zyrës ligjore jemi të obliguar me prit që me marr mendimin që na jep MAPL-ja pasi nuk dëshirojmë me bo shkelje ligjore, pasi si cikël kanë përfundua 3 rundet kështu që pauza prej 30-40 minuta është e mjaftueshme dhe në momentin na konfirmojnë atëherë edhe procedojmë tutje, nëse na japin zyrtarisht por nëse ka nevojë për seancë urgjente e bëjmë menjëherë sot apo nesër.

Rasim Fazliu – Pra duhet të presim deri sa Ministria e Pushtetit Lokal të na kthen përgjigje dhe kthehemi në ora 15.00 në sallë të kuvendit.

Procesmbajtësi:

Agim Hoti

